

四明叢書

張宗祥



安晚堂詩集補編卷一

宋鄞縣鄭清之德源撰

宋錢塘陳起宗之輯

妾薄命

妾有一片心奚啻金與石金石尙可磨此心終不易妾
有金錯刀不買珠與翠一笑向尊前願買郎心醉娟娟
桃李花東風蕩柔枝見郎郎弗顧掩面啼春閨不關郎
意惡自悲妾命薄

江漢亭百韻

山川自高深開闢由邃古長江瀉岷峨橫亘截區宇東
流爲沔津疏鑿仗神禹襟帶成奧區都會稱鄂渚環城
得修岡雄勝著臺府上有江漢亭憑高欲驚舉雲譙護
左方南樓以爲輔飛甍立巖巖纔去天尺五星辰近梯
級嵐霏日吞吐橫陳極蒼茫萬象互昂俯晴光敞雙明
景物恣枚數炊煙接空翠下列十萬戶檳櫨出稜角闔
關分脈縷川塗競走集水陸跨重阻東南引湖湘西北
控淮楚舟車所交屬人物森萃聚歌謠雜諧合來往紛
偃偃溟濛塵蔽空揮霍汗成雨游蓋驚雲飄聯轡識驂
舞驅馳溢阡陌時節相媚嫵裾袖翳朝日光曜燭綃組

憧憧蟻遷穴紘紘繭抽緒亭亭肆遐睎一一可細覩至
如城中邊萬竈宅貔虎春秋謹教閱什什而伍伍紅旆
羅旌幢中軍立旗鼓冰霜貫戈甲雷霆震弓弩後先嚴
車徒坐作中規矩被廬猶晉蒐少長悉有序禮成旣飲
至絡繹還所部俯瞰了不遺清流數魴鱖乃若天空澄
江色入環堵雲水渺相接斜陽落晴塢千艘卧平沙片
帆歸遠浦微茫泛一葉咿軋響雙檣報譯認橋烏航琛
知海賈微陰轉層巒輕煙生宿莽棲鳥絕重瀾歸鴻集
寒嶼夜深漁火明孤州記鸚鵡晴陰與朝暮景色若誇

詡方春及韶淑鶯燕爭鳴乳桃李出新妝周張環繡黼
脩眉橫柳堤遺鈿錯花圃孟夏熏風來草木自蕃穠翠
幄帷清陰密葉覆幽墅入林梯空旻影團修月斧露掌
逼高寒金波沃肝腑隆冬雪紛飛瓊樓耀江滸萬花著
林端晃不分細鉅茲維四時媚代謝聽寒暑榮枯雖異
撰去來莫追拒彼動此靜觀羣魚沸鼎釜紛綸各狀態
天械發機杼或如懷袖物俯拾恣所取或如海陸珍搜
羅寄庭廡或如觀大駕旄頭先鹵簿或如親校獵玉虬
挖翠羽或富若武庫寶物窮積貯或麗若上林鳥獸羅

禁籞或紆若綺縠或列若簾簾或背若相違或進若相
與或翫若興雲或林若率旅或驚若脫兔或拱若禮鼠
或若鷄出埘或若馬奔圉或變若龍蛇或怪若猓貍或
奮焉若讐或比焉若侶或矯若怒嗔或偃若戲侮或騰
若羸餘或匱若貧窶或聚散翕忽或縱橫旁午或禽聲
咿嚶高下參律呂或人語叫噪歷落寫筐筥或以琴置
膝絲音宜搏拊或時棊滿枰石韻雜珎瑀或欹枕高眠
胡蝶夢栩栩或相對啜茶舌本躍清語或暇日觀書腸
腹自撐住或乘興飛觴醉後忘爾汝或卽境揮毫圖畫

入嫌楮造物無盡藏儻來亦何忤俛仰已陳迹恍忽失
處所達觀萃茲亭宇宙一柜黍斯亭名者誰儒林得鼻
祖昔賢維南軒心學紹東魯瞻焉西南遊芳洲擷薤莊
遺墨尙淋浪隸刻照亭柱邇來三十年軒桷漸頽竊堂
堂魏國孫玉節蒞茲土英聲凜荆揚盛事踵遐武曾侯
廬陵秀一笑不齟齬風月喜平分江山藉宗主興仆追
前修遺蹟游蒐補飛翬抗雄梁石花呈古礎荒榛得奇
觀幽思發新杼公餘多勝槩往往壓諸庚賡酬駕元白
光燄陵李杜領客共落成而我亦同俎半生嗟鏤冰一

字不堪煮樂事紀末顛鴻筆魏燕許吾伊補書債款乃
效漁父儻繼竹枝詞編入武昌譜

鄭德言親覩洛迦觀音相遂依所見繪畫朝夕
嚴奉且求贊語敬題其旁

具足圓通性一念本昭徹佛我與信心是三無差別凡
人未見聖如渴以河說佛身忽現前如水印秋月心清
自開遮見根匪優劣念中有大士珠璣百寶結補陀洛
伽相自在猶日揭是名爲正觀倒想作奇絕稽首圓通
尊茲念無起滅非相亦非念不盈復不闕唯然觀自在

無眼耳鼻舌

送繼一郭處士

聖君如堯舜豈無巢與由計然亦何慕五湖一扁舟之
人久不作側席思巖幽嘗聞鹿何君清芬徹凝旒重華
錫嘉號見一光林丘誰謂雅道息競風日悠悠脫冠挂
神武有士歸東州笑將金闔籀猛博處士裘釣天爲開
顏曰此夷逸儔大書繼一字虹光燭奎婁宸章軼麟袞
正聲出天球清名獎靜退下視古素侯睿謨光先憲姱
節追前修況今輯眾雋丞弼登虞周明時樂閒暇出處

自不侔赤城宅仙子登陸方蓬洲君歸訪司馬坐忘春
與秋方瞳照綠髮戲轉黃河流煙霞肅逋客隱者應輟
耄款乃輔行色春風生柁樓

孟童子中異科而還來訪余於行都賜第輒贈
以詩

在昔昌黎公序贈張童子獨出超等夷芳名駕青史君
門藹世勳夔軼西平李宗社方同休彪炳見孩稚天庭
插犀角星眸炯秋水誦書如焦琴高下涵角徵朱門共
駭聽洗此箏笛耳老翁欲筭兒眼看拾青紫一朝聞九

關賚予出周筐我朝晏與楊炳炳貴名起願子志遠大
勤學踵前軌家尊我相知作詩贈歸騎

正月晦夕夢中作偈覺但記其首兩句遂於枕
上足之錄呈慧上人

是身本虛妄覓主了無得誰知日用閒顛到由六賊茫
茫前後際生滅在空色賊去主人歸渾家不相識

因筆記賊入空室頌

平生一片癡妄意室中物自言富可待到了貧徹骨一
宵入人家百寶認髣髴揀得真金身明處是泥物

惠墨

老龍卧蒼海千年抱明珠神禹決淮泗偃蹇不受驅怒
走崧岱頂風雨撼八區亭亭立天柱化作青松株蟠根
蟄九地融液如流酥嶙峋脫支節幽人拾肌膚虹光夜
穿屋益突明膏腴芳薰漸凝漬元霜出冰壺糅以丹鳳
髓摹以青龜趺擣以明月兔曝之暘谷烏或潤似玉玦
或堅如金觚六丁下取將香藹流清都絳闕注僊籍白
日飛凡夫借問何神靈黑質分龍軀干將昨已至莫邪
復來趨二龍適脗合變化由其殊君看一滴水雙雙躍

天衢

和葦芷應直院送秋蘭韻

大椿凌千秋靈芝競三秀書傳遞誇詡垂芳古今宙貴
耳但奇奇相馬失之瘦誰知楚醒花遠避漢金耐擇交
得素節彼哉懷春誘夫君全德馨內美本吾有姑置芝
與椿秋蘭歲相壽

東湖送藕與葦芷

草木雖無知葉落能糞本榮枯遞乘除苗實自穠稜東
湖百頃蓮夏日傲趙盾州家浚河渠獮薶甚耘墾長身

萬栢荷髦梗付鋪春寒煙熨青鏡時有白浪輟水解毓
仙骨根著泉源混外乾乃中腴下益寧上損游泥胎玲
瓏多節竅渾沌園丁亦善沒擘波沸魴鱗象株忽仰浮
登岸殊袞袞誰知絳縣塗可試平叔粉名非玉井船實
過秋蘭畹穀蔽雜燕豆蒞菜補中壺交梨能養生護草
亦忘忿空言出好事孰與津燥吻贈君擬條冰差勝羞
藻蘊

林治中鄭廣文以詩來遣魯酒報聘拙語輔行
張公本喜飲半入野人腹南洲春夢婆亦復開醉目尙

想晉流麗鼈飲更升木興來索老兵誰謂酌可獨我亦
愛客至陶巾時一漉雖有彭澤田種秫苦不足頗因病
入務瓢棄尙餘綠豈無大雅朋來伴離騷讀廣文餐簫
花和靖峙修竹交情如酎醇秀句喜心沃觴政嘗卜夜
談聞屢更僕胡爲闕字芝但憶顏山玉聊爾遣書紙安
得洗愁斛昔誇聖人中今愧平原督今歲家釀殊未佳杯手助
持螯車涎笑逢麴青州豈烏有白衣問黃菊如臯應解
顏對飲頗勝俗梅聖俞詩獨坐與婦飲頗勝俗客對何時赤壁游匏樽笑
相屬欲歌鹿鳴三正若龜藏六飲甯遺公榮兩煩過御

叔忻聞麥兩岐況有魚百族小卻揖二毫觥船倒醺醪

謝玉泉君黃伯厚和韻

卯飲貪引卮夕食不厭腹松醪灑玉池鬱尊傲黃目歸
閒喜携幼欣榮對夏木頗笑屈原醒寧甘馬周獨詩筒
發豪思江月欲戲漉每賡北海詠未羨西隣足槽規長
吉紅蟻玩杜陵綠醉鄉擬續記書眼瞭可讀時康萬戶
春興到七賢竹筵虛豔姬舞面想宮嬪沃別腸驅藥使
健筆命騷僕居然得良朋清辭瀉壺玉習池可聯乘步
兵有餘斛

步兵厨有酒三百斛

誰能酒限拘強效八州督今年小

麥好豈屑官廩麴嘉節迫蒲艾早計數萸菊客中真有
佳眼前喜無俗賦殷金石聲光粲斗牛屬句到後三三
人誰賽六六試編諸賢詩第以伯仲叔共成杜康傳更
聚山中族萬事付亡何乾坤一杯醪

諸君和篇摩墨致師不容閉壁再續前韻

平生周伯仁耿耿空洞腹翛然猿鶴姿豈辨鳩鷹目僕
射不解事居士偶題木種柳僅成五樂園祇可獨皓首
愧商隱湛恩霑漢漉城府百無有丘壑一已足詎省醉
裙紅安識墜樓綠生經未渠諳酒頌聊喜讀耳熱聞秦